



ՀՈԳԵՎՈՐԱԿԱՆԱՑ ՀԱՄԱԳՈՒՄԱՐ
ՄԻԱՑՅԱԼ ՆԱՀԱՆԳՆԵՐԻ ՀԱՅՈՑ ԱՐԵՎԵԼՅԱՆ ԹԵՄԻ

Վեհափառ Հայրապետի բարեհաճ կարգադրությամբ և հրավերով Ամերիկայի Միացյալ Նահանգաց արևելյան թեմի առաջնորդ տ. Թորգոմ արքեպ. Մանուկյանի, այս տարվա հոգևորականաց համագումարին մասնակցելու համար Մայր Աթոռից մայիսի 6-ին Մոնրեալ են մեկնում Կիրովականի հայոց ս. Աստվածածին եկեղեցու հոգևոր հովիվ տ. Վազգեն քին. Ղարակոչյանը և Թբիլիսիի հայոց ս. Գևորգ եկեղեցու հոգևոր հովիվ տ. Հովհաննես քին. Դանիելյանը:

Հոգևորականաց տարեկան համագումարը այս տարի էլ տեղի է ունեցել սպրիլի 29—30-ին, Մոնրեալի հայոց ս. Գրիգոր Լուսավորիչ եկեղեցում:

Սակայն վիզաների ուշ ստացման պատճառով Մայր Աթոռի ներկայացուցիչ երկու քահանա հայրերը չեն կարողանում ներկա գտնվել հոգևորականաց տարեկան համագումարին:

Այնուամենայնիվ տ. Թորգոմ և տ. Վաչե սրբազանների կազմած ծրագրի համաձայն մեր քահանա հայրերը լինում են և՛ Կանադայի, և՛ Հյուսիսային Ամերիկայի արևելյան թեմի մի շարք քաղաքներում, որտեղ նրանք պատարագում են, Բանին կենաց քարոզությամբ մխիթարում հավատացյալներին՝ հաղորդելով Ամենայն Հայոց Հայրապետի ողջույններն ու օրհնությունները:

Տ. ՎԱԶԳԵՆ ՔԻՆ. ՂԱՐԱԿՅՈՉՅԱՆ

Մայիսի 16-ին պատարագում և քարոզում է Մոնրեալի հայոց ս. Գրիգոր Լուսավորիչ եկեղեցում՝ «Հաատամբ և միմիայն լընդ-

հանրական յտաբելական և ի սուրբ եկեղեցի» բնաբանով:

Նույն օրը, երեկոյան, տ. Վազգեն քահանան ս. Գրիգոր Լուսավորիչ եկեղեցու ներքնասրահում դասախոսում է «Հավատքը մայր հայրենիքում» թեմայի շուրջ:

Մայիսի 17-ին տ. Վազգեն քահանան ներկա է լինում Մոնրեալի ս. Գրիգոր Լուսավորիչ եկեղեցու ծխական խորհրդի հերթական ժողովին և, ողջունելով ժողովականներին, հորդորում է Վեհափառ Հայրապետի ողջույններն ու օրհնությունները:

Մայիսի 23-ին, Երկրորդ Ծաղկազարդի կիրակի օրը, Բոստոնի հայոց հոգևոր հովիվ տ. Բաբգեն ավագ քին. Մաքսուդյանի հրավերով տ. Վազգեն քահանան պատարագում և քարոզում է Բոստոնի հայոց ս. Երրորդություն եկեղեցում՝ «Արք Գալիլիացիք, զի՛ կայք հայեցեալք ընդ երկինս, այս Յիսուս որ վերացան ի ձեզ լերկինս, նոյնպէս եկեացէ՛ք» բնաբանով:

Հետ միջօրեի ժամը 16-ին տեղի է ունենում եկեղեցուն առընթեր սրահում հայկական դպրոցի ամավերջի հաղիսությունը, որտեղ տ. Վազգեն քահանան դասախոսում է «Հայերեն լեզուն Ամերիկայի պայմաններում պահպանելու աշխատանքների մասին» թեմայով:

Մայիսի 29-ին, շաբաթ օրը, տ. Վազգեն քահանան տ. Եղիշե ծ. վրդ. Կիզիլյանի և Նյու-Շրբգիի ս. Աստուծոյ եկեղեցու հոգևոր հովիվ տ. Գառնիկ քին. Հալլաճյանի ողբերգությամբ այցելում է տեղի հայկական ծերանոցը և մխիթարանքի ջերմ խոսքեր ասում այնտեղ ապաստան գտած հայ պապիկներին ու տատիկներին:

Մայիսի 30. Հոգեգալուստ: Նյու-Յորքի հայոց ս. Վարդան Մայր տաճարում պատարագում և քարոզում է տ. Վազգեն քահանան՝ «Եթէ սուրբ Հոգին ընկալարուք ի հաւատալան» բնաբանով:

Հունիսի 2-ին տ. Վազգեն քահանան մեկնում է Մպրիակ-Ֆիլսո, տեղի հոգևոր հովիվ տ. Ներսես քհն. Ճեպեճյանի ընկերակցությամբ, ուր ներկա է լինում ծխական խորհրդի կողմից տրված ճաշկերույթին և խոսք առնելով պատմում Մայր Աթոռ ս. Էջմիածնում Վեհափառ Հայրապետի օրոք կատարված հոգևոր, մշակութային, շինարարական աշխատանքների, ինչպես նաև Մայր հայրենիքի հոգևոր, մշակութային, տնտեսական վերագարթոնքի մասին:

Հունիսի 6-ին տ. Վազգեն քահանան, ընկերակցությամբ Հովհաննես սրկ. Գաապարյանի, այցելում է Թեմիֆլայտի ս. Թովմաս եկեղեցին, ուր պատարագում և քարոզում է «Հատարք քո կեցուցի գրեզ» բնաբանով:

Տ. ՀՈՎՀԱՆՆԵՍ ՔԸՆ. ԴԱՆԻԵԼՅԱՆ

Մայիսի 9-ին Տորոնտոյի հայոց հոգևոր հովիվ տ. Ժիրայր վրդ. Թաշճյանի հրավերով պատարագում է Տորոնտոյի ս. Երրորդություն եկեղեցում և քարոզում «Եկաք առ իս ամենայն վաստակեալք և բեռնատորք և ես հանգուցից գրեզ» բնաբանով:

Նույն օրը, հետ միջօրեի, եկեղեցու ներքնասարահում «Մայրերի օրվա» առթիվ կազմակերպված ճաշկերույթին ներկա է լինում տ. Հովհաննես քահանան, ուր խոսում է «Հայ տիպար կնոջ դերը անցյալում և ներկայում մեր ժողովրդի հոգևոր ու քարոջական դաստիարակության գործում» թեմայի շուրջ:

Մայիսի 11-ին տ. Հովհաննես քահանան ներկա է լինում Տորոնտոյի ծխական խորհրդի հերթական ժողովին, ուր խոսում է ծխական խորհուրդների դերի մասին հայ նոր սերնդի հայապահպանման կարևոր աշխատանքներում:

Մայիսի 12-ին տ. Հովհաննես քահանան Տորոնտոյի ս. Երրորդություն եկեղեցու ներքնասարահում դասախոսում է «Հայ կրոնական կյանքը Թբիլիսիում» թեմայով:

Մայիսի 28-ին, Երկրորդ Մաղկազարդի օրը, տ. Հովհաննես քահանան Բոստոնի հայոց ս. Հակոբ եկեղեցում պատարագում և քարոզում է «Եւ ահաասիկ ես ընդ ձեզ եմ, զամենայն ատրս միևչև ի կատարած աշխարհի» բնաբանով:

Մայիսի 30-ին, կիրակի օրը, Հոգեհանգրստյան տոնին, Ուստրի հայոց հոգևոր հովիվ տ. Մյուտոն ծ. վրդ. Կրճիկյանի հրավերով տ. Հովհաննես քահանան պատարագում է և քարոզում Ուստրի ս. Փրկիչ եկեղեցում՝ «Եւ ի կատարել աւուրցն պենտեկոստէից լցան ամենեքեան հոգուով սրբով» բնաբանով:

Հունիսի 6-ին տ. Հովհաննես քահանան պատարագում և քարոզում է Նյու-Յորքի հայոց ս. Վարդան Մայր տաճարում՝ «Մի երկնչիր, այլ միայն հաւատաւ» բնաբանով:

Նույն օրը, հետ միջօրեի, ս. Վարդան Մայր եկեղեցու Հայկ և Ալիս Գալուքճյան սրահում տ. Հովհաննես քահանան դասախոսություն է կարդում «Քահանայի քարոզչական և հովվական պաշտոնը» թեմայով:

Տ. Վազգեն քհն. Դարակյոզյանը և տ. Հովհաննես քհն. Դանիելյանը ս. պատարագներից հետո եկեղեցու սրահներում հանդիպումներ են ունենում նաև տեղի հայ համայնքների անդամների հետ, խոսում եկեղեցասիրության, Էջմիածնասիրության և հայրենասիրության մասին, պատասխանում իրենց տրված բազում հարցերին, վեր հանում Մայր Աթոռ ս. Էջմիածնի օրհնության ներքո սխյուրքի պայմաններում հայ եկեղեցու և հայ հոգևորականության կատարած հայապահպանման շնորհակալ աշխատանքները և հայրենակարոտ սրտերը խանդավառում ս. Էջմիածնով և վերածնված հայոց երկրի և ժողովրդի պայծառ ապագայով:

Բացի այն եկեղեցիներում, որտեղ մեր քահանա հայրերը պատարագել և քարոզել են, քանզի հունիսի 4-ին մասնակցել են Նյու-Ճրրգիի հայ հոգևորականաց ամսական հավաքույթին, որին ներկա են եղել նաև առաջնորդ տ. Թորգոմ արքեպիսկոպոսը, տ. Տիրան արքեպիսկոպոսը, տ. Բարգեն եպիսկոպոսը, տ. Եղիշե վարդապետը, ինչպես նաև շրջանի ողջ քահանայական դասը:

Այս առթիվ տ. Հովհաննես քահանան կարդում է «Քահանան որպես ժողովրդի մխիթարիչը» թեմայով մի դասախոսություն:

Հավաքույթի ընթացքում Մայր Աթոռի երկու ներկայացուցիչ քահանա հայրերը սիրով պատասխանում են իրենց տրված հարցերին:

Հունիսի 14-ին տ. Վազգեն և տ. Հովհաննես քահանա հայրերը իրենց հոգևոր պարտականությունները բարեխղճորեն կատարած վերադառնում են Մայր Աթոռ:

